



IV GOVERNUN KONSTITUSIONÁL SEKRETARIA ESTADU KONSELLU MINISTRU

KOMUNIKADU IMPRENSA

Sorumutu Konsellu Ministru loron 30 fulan Novembru 2011

Konsellu Ministru hala'o tiha sorumutu iha Kuarta-feira semana ne'e, loron 30 fulan Novembru 2011, iha Sala Sorumutu Konsellu Ministru, iha Palásiu Governu, iha Díli, no aprova ona:

1. Dekretu-Lei ne'ebé aprova Rejime Jurídiku Ensinu Tékniku-vokasionál

IV Governu Konstitusionál defende dezvoltimentu formasaun profisionál no profisionalizante hanesan forma ida atu moderniza edukasaun iha Timor-Leste. Dezvoltimentu ne'e liu husi apoiu ba implementasaun rede eskola profisionál nian ida, ho iniciativa lokál, ho aproveitamentu hala'o hosi rekursu sira ne'ebé disponível iha departamentu oioin Estadu nian.

Medida ne'e hanesan resposta ida ba nesesidade kona-ba hasa'e kualifikasaun rekursu umanu iha Pais ne'e.

Objetivu no programa formasaun ne'ebé atu dezvolve iha eskola profisionál sira konsidera mós normas no padraun internasionál sira, ne'ebé relasiona kedas ho nível hirak aprendizajen ne'ebé alkansa tiha ona, sein prejudika ajustamentu ruma ne'ebé mak revela katak presiza durante período ida tranzisaun nian.